

Bosna i Hercegovina

BRČKO DISTRIKT

Bosne i Hercegovine

VLADA BRČKO DISTRIKTA

Odjeljenje - Odjel za obrazovanje



Босна и Херцеговина

БРЧКО ДИСТРИКТ

Босне и Херцеговине

ВЛАДА БРЧКО ДИСТРИКТА

Одјељење - Одјел за образовање

Bulevar Mira 1, 76100 Brčko Distrikt BiH  
Telefon: 049 214 503, Faks: 049 214 503

www.brccentral.net  
obrazovanje@brccentral.net

Булвар Мира 1, 76100 Брчко Дистрикт БиХ  
Телефон: 049 214 503, Факс: 049 214 503

Broj predmeta: 05-000873/21  
Broj akta: 07-1246ZB-001/21  
Datum, 30. avg 2021. godine  
Mjesto, Brčko

Na osnovu člana 178. Zakona o osnovama sigurnosti saobraćaja na putevima u Bosni i Hercegovini („Službeni glasnik Bosne i Hercegovine“, broj: 06/06,75/06, 44/07, 84/09, 48/10, 18/13, 8/17 i 9/18) i članova 2., 3., 4., 5., 6., 7., i 9. Pravilnika o sticanju zvanja vozača - instruktora motornih vozila („Službeni glasnik Bosne i Hercegovine“, broj: 15/07,41/07), šef Odjeljenja za obrazovanje r a s p i s u j e

### JAVNI POZIV ZA STICANJE ZVANJA INSTRUKTORA VOŽNJE IZ UPRAVLJANJA MOTORNIM VOZILIMA

I. Pravo osposobljavanja za polaganje ispita, odnosno prijavljivanja na Javni poziv za sticanje zvanja instruktora vožnje iz upravljanja motornim vozilima ima lice koje ispunjava sljedeće uslove:

- da ima najmanje srednju stručnu spremu;
- da ima najmanje tri godine vozačku dozvolu one kategorije za koju polaže ispit;
- da ima ljekarsko uvjerenje o zdravstvenoj sposobnosti za vozača instruktora, ne starije od 12 mjeseci;
- da mu u posljednjih pet godina nije izrečena mjera sigurnosti ili zaštitna mjera zabrane upravljanja motornim vozilom.

II. Kao dokaz o ispunjenosti uslova iz tačke I. ovog javnog poziva, svaki kandidat je dužan dostaviti sljedeće dokumente:

- dokaz o ispunjavanju uslova u pogledu stručne spreme (ovjerenu fotokopiju odgovarajuće diplome/svjedočanstva);
- ovjerenu fotokopiju lične karte;
- ovjerenu fotokopiju vozačke dozvole;
- ovjerenu fotokopiju dozvole instruktora vožnje odgovarajuće kategorije/potkategorije ukoliko polaže ispit za neku drugu kategoriju/potkategoriju radi ostvarivanja prava da ne polaže pojedine ispitne teme;
- ljekarsko uvjerenje, ne starije od 12 mjeseci;
- uvjerenje da mu u posljednjih pet godina nije izrečena mjera sigurnosti ili zaštitna mjera zabrane upravljanja motornim vozilom;
- dokaz o uplati naknade troškova za eliminatorni ispit iz poznavanja propisa o sigurnosti saobraćaja na putevima, u iznosu od 200,00 KM, i dokaz o uplati naknade troškova za pripremnu nastavu iz ostalih oblasti koje je kandidat obavezan polagati, u iznosu od 50,00 KM po oblasti pripremne nastave.

III. Osposobljavanje kandidata za sticanje zvanja instruktora vožnje organizovat će se na obaveznoj pripremnoj nastavi koja ukupno traje 45 časova, i to:

- poznavanje propisa o sigurnosti saobraćaja na putevima 15 časova,
- saobraćajna psihologija 10 časova,
- pedagogija- metodika vožnje 10 časova,
- poznavanje motornih vozila, uređaja i opreme 10 časova.

#### IV. Ispit za instruktora vožnje obuhvata polaganje:

- Poznavanje propisa o sigurnosti saobraćaja na putevima-polaže se pismeno i usmeno (cijena ispita s pripremnom nastavom - 200,00 KM);
  - Saobraćajna psihologija polaže se usmeno (cijena ispita s pripremnom nastavom 150,00 KM);
  - Pedagogija - metodika vožnje - polaže se usmeno i praktično (cijena ispita s pripremnom nastavom - 200, 00 KM);
  - Poznavanje motornih vozila, uređaja i opreme – polaže se usmeno (cijena ispita s pripremnom nastavom - 150, 00 KM);
  - Upravljanje motornim vozilom – polaže se praktično (cijena ispita: za A, B i BE kategorije i odgovarajuće potkategorije je 150,00 KM; za C kategoriju i odgovarajuću potkategoriju je 180,00 KM, za CE kategoriju i odgovarajuću potkategoriju je 216,00 KM, za D kategoriju i odgovarajuću potkategoriju je 259,20 KM, a za DE kategoriju i odgovarajuću potkategoriju 311,04 KM.
- Nakon položenog eliminatornog ispita iz Poznavanja propisa o sigurnosti saobraćaja na putevima, kandidat koji želi nastaviti polaganje ispita obavezan je uplatiti razliku sredstava za preostale ispite, a prema cijenama iz alineja 1., 2., 3. i 4. tačke IV. ovog javnog poziva.

#### **POSEBNE NAPOMENE KANDIDATIMA KOJI SU OSLOBODENI OSPOSOBLJAVANJA I POLAGANJA DIJELOVA ISPITA (IZVOD IZ ČLANA 4. STAV (3) I ČLANA 9. STAVOVI (2), (3), (4) i (5) Pravilnika o sticanju zvanja vozača -instruktora motornih vozila):**

Diplomirani inženjer saobraćaja, drumskog smjera, nije se obavezan osposobljavati niti polagati ispite iz predmeta Saobraćajna psihologija i Poznavanje motornih vozila, uređaja i opreme. Kandidat koji ima dozvolu instruktora vožnje određene kategorije, prilikom polaganja ispita za instruktora vožnje za drugu kategoriju, ne polaže ispit iz predmeta Saobraćajna psihologija i Pedagogija.

Ispit iz Poznavanja propisa o sigurnosti saobraćaja na putevima ne polaže kandidat za instruktora vožnje:

- koji polaže ispit za instruktora vožnje motornih vozila „A“ kategorije ako ima dozvolu za instruktora vožnje motornim vozilom „B“ kategorije,
  - koji polaže ispit za instruktora vožnje motornih vozila „D“ ili „D1“ kategorije/potkategorije ako ima dozvolu za instruktora vožnje upravljanja motornim vozilom „C“ ili „C1“ kategorije/potkategorije.
- Ispit iz Poznavanja motornih vozila, uređaja i opreme ne polaže kandidat koji polaže ispit za instruktora vožnje motornih vozila D ili D1 kategorije/potkategorije ako ima dozvolu za instruktora vožnje motornih vozila kategorije/potkategorije C ili C1.

Kandidat koji ima položen ispit za instruktora vožnje iz upravljanja motornim vozilom:

- za potkategoriju C1, ne polaže ispit za kategoriju B,
- za kategoriju C, ne polaže ispit za potkategoriju/kategoriju C1 i B,
- za potkategoriju D1, ne polaže ispit za potkategoriju/kategoriju C, C1 i B,
- za kategoriju D, ne polaže ispit za potkategoriju/kategoriju D1, C, C1 i B,

Kandidat za instruktora vožnje koji polaže ispit za potkategorije/kategorije D1E, DE, C1E, CE i BE, ispit polaže posebno za svaku kategoriju/potkategoriju.

Prilikom osposobljavanja i polaganja ispita iz upravljanja motornim vozilom, kandidat je dužan osigurati odgovarajuće vozilo, uredno i čisto, koje ispunjava propisane tehničke uslove i standarde u pogledu dimenzija, mase, osovinskog opterećenja, uređaja i opreme, kako je to propisano članom 20. Pravilnika o sticanju zvanja vozača-instruktora motornih vozila.

Troškovi za polaganje ispita po jednoj oblasti/ispitu pojedinačno, koji je kandidat obavezan polagati u skladu sa članom 4. i 9. Pravilnika o sticanju zvanja vozača-instruktora motornih vozila, uključuju:

- osposobljavanje kroz pripremnju nastavu iz tačke III, ovog javnog poziva,
- polaganje ispita iz tačke IV. ovog javnog poziva,
- odgovarajuću literaturu - priručnik i obrasce.

Troškovi iz tačke IV. ovog javnog poziva uplaćuju se na Jedinstveni račun Brčko Distrikta BiH, broj: 552-000-182-676-2457 (Addiko banka) s naznakom: "Uplata za sticanje zvanja instruktor vožnje iz upravljanja motornim vozilima", vrsta prihoda: 722135, šifra općine: 099 Budžetska organizacija: 2001001

V. Prijave za polaganje ispita, uz propisanu dokumentaciju, kandidati trebaju dostaviti u zatvorenojkoverti na adresu: Vlada Brčko Distrikta BiH (Odjeljenje za obrazovanje) Bulevar mira br. 1, 76100 Brčko, poštom ili donijeti lično u zgradu Vlade na šalter broj 6, najkasnije do **13. 09. 2021. godine.**

Prijavljivanje se obavlja preko obrasca prijave koji se može preuzeti na infopultu u zgradi Vlade Brčko Distrikta BiH ili na web stranici Vlade Brčko Distrikta BiH ([b.bdcentral.net](http://b.bdcentral.net))

Napomena: na poledini koverta obavezno upisati broj telefona kandidata.

O detaljnom terminu održavanja pripreme nastave kandidati će biti blagovremeno obaviješteni.

Nakon pripreme nastave, provest će se ispiti propisani navedenim pravilnikom.

Pripremna nastava i ispiti će biti održani u III Osnovnoj školi u Brčko distriktu BiH, ulica Reisa Džemaludina Čauševića 60.

Ostale relevantne informacije kandidati će dobiti u toku pripreme nastave ili u Odjeljenju za obrazovanje na broj telefona 049/216-894.

Nepotpune i neblagovremene prijave neće se razmatrati.

Ukoliko se ne prijavi dovoljan broj kandidata koji ispunjavaju uslove navedene u Javnom pozivu, održavanje pripreme nastave i polaganje ispita će se prolongirati za sljedeći ispitni rok, o čemu će kandidati biti blagovremeno obavješteni.

Šef Odjeljenja za obrazovanje  
  
Zoran Bulatović, dipl.oec

